

主編◎林慶彰 賴明德

劉兆祐 張高評

卞萃文《卞徵君集》

金衍宗《思詒堂詩文稿一》

晚清四部叢刊
第一編
92

主編◎林慶彰 賴明德

劉兆祐 張高評

卞萃文《卞徵君集》

金衍宗《思詒堂詩文稿一》

常州大學圖書館
藏書章

晚清四部叢刊

第一編

92

國家圖書館出版品預行編目資料

晚清四部叢刊. 第一編 / 林慶彰等主編. --臺中市 : 文听閣圖書, 2010.11
冊 ; 公分

ISBN 978-986-85747-1-7 (全套:精裝)

1. 叢書 2.清代

082

99021531

ISBN 978-986-85747-1-7



9 789868 574717

《晚清四部叢刊》第一編 (全 120 冊) 16k 精裝

主	編：	林慶彰 賴明德 劉兆祐 張高評
副主	編：	蔣秋華 邱德修 馮曉庭 王基倫
出版·發行：		文听閣圖書有限公司
地	址：	台中市西屯區(407)逢甲路 225 巷 9 號
電	話：	(04)27067357
傳	真：	(04)27067028
統	編：	27832175
印	刷：	百通科技股份有限公司
電	話：	(02)86926066
初	版：	2010 年 11 月

ISBN : 978-986-85747-1-7

定 價：新台幣參拾陸萬元整

目次

卞徵君集

.....卞萃文

思詒堂詩稿一

.....金衍宗

壬子仲冬

卞徵君集

揖峰書屋校印

族會祖遺集序

緒昌幼時侍先大人側嘗聞與朱葵生師言躬行之

學必以族會祖孚升先生爲法緒昌竊心慕焉先生

世居翠屏洲弱冠以孝聞平日學究顏曾體川具備尤兢

兢以禮教自持一時遐邇稱頌無異詞者當代巨公如鐵

公梅庵汪公稼門聞其風義咸徵聘焉先生辭不就遂

以人倫模楷額旌其閭今已逾百年矣其流風餘韻父老

猶傳誦弗衰苟非盛德人之深曷克臻此庚子歲重修

家牒讀先生所作記序油然而發仁孝之思至拳拳於義

庄一節所以待諸後人者緒昌蓋有志焉庚戌歲族兄矩

齊來安慶以先生遺集見示受而讀之其粹然中正之
氣毅然特立之操均流露於紙墨間益信先生之學不
可及而人倫模楷之額非虛譽也若居鄉諸條約猶先
生之緒餘耳然按之今日鄉自治已不謀而合世之求自
治者參以先生之鄉約行以先生之實力將見士習民
風必有蒸蒸日上者緒昌不文不敢序先生之集聊述
數語用以自勉焉爾

宣統二年歲次庚戌仲冬族曾孫緒昌拜序於安徽巡警
道署

卞徵君遺書序

士君子既不獲見用於世以抒其所蓄則當以修之身者
型於家以及其鄉人當其盛一鄉化之及其既沒而父教
其子兄勉其弟猶相望於數十百年間而傳誦弗衰此非
其盛德入人之深烏能至此吾鄉迤南不數里曰翠屏洲
濱長江隔江諸山鬱葱相望以地之靈篤生豪傑偉人於
是有翠屏三先生者出三先生者曰王先生柳村以詩鳴
鍾先生小亭以節義鳴惟徵君卞遜齋先生躬耕卻聘抗
心往哲恂恂然不與世爭鳴嗚呼尙矣先生學究體用以
躬行實踐爲歸而不規規於托文辭以自見其治身治家

舉有禮法既又出其緒餘興鄉之人講明禮俗其時人知
廉恥路不拾遺長幼有序孤獨廢疾有養識者比之古仁
里風嘻豈無道以致此歟懷俊生較晚不獲躬承謦欬今
雖其流風餘韻亦稍替矣而父老猶有樂道之者蓋心嚮
往之久已曩嘗持鄉先生沒可祭於社之義私心竊議如
先生者當崇祀鄉賢祠而未之逮也今先生曾孫桀齋文
學搜輯先生遺藁并掇拾他編之足以闡揚先生者而冠
之以年譜合爲如干卷謁蹶從事者數寒暑將付梓授懷
俊讀之喟然曰先生立身治行雖不以文字顯而其文則
布帛菽粟關系乎世道人心而已見乎實行而無忝然則

斯編也不系之以傳先生而茲編之賴先生以增重也復
何待言後之讀斯編者苟能循先生居鄉諸條議踵而行
之於自治之時安知今不古若耶讀既竟因嘉榘公表章
先德之勤而益信鄉先生之行誼卓然其型家而化俗者
其來有自遂樂與書之亦將以自勗焉時宣統辛亥孟秋
之月鄉後學常懷俊謹拜序於長亭澹舍



卞徵君集序

予友卞君矩齋篤行士也偶一過從娓娓道義事輒終日不倦一日出其王祖父年譜并雜著示予受而讀之不禁喟然曰士生今日如孚升先生者有幾人哉迴憶幼時侍先大父側嘗聆其緒論曰人生以守禮爲重百行以孝弟爲先吾家去卞孝子居纔數里耳卞先生性至孝視聽言動一秉於禮汝生也晚不獲見矣吾觀其居喪居家及歲時祭祀之禮洵足爲鄉人法焉他日成立宜則而效之毋或忘信壽時方十餘歲僅約略記其言而未知其何以爲禮也今奉是卷讀之乃恍然先大父之所言於此益得其

實焉幸何如也又觀包莊倪諸先生所爲傳記誄文以及
諸名公之函札壽序稱道先生之言行可謂詳且盡矣信
壽不敏又何從而序之竊謂學問之道有體然後有用中
古之世無理學經濟之名自後世定名分類門戶之爭如
聚訟矣先生天性肫篤不務講學之名而惟以實踐躬行
爲本孟子曰事孰爲大事親爲大守孰爲大守身爲大又
曰事親若曾子者可也會子曰慎終追遠民德歸厚矣又
曰仁以爲己任不亦重乎死而後已不亦遠乎今先生之
事親也生事葬祭務盡其禮鄉人感其孝迄猶稱頌弗衰
不但廬墓三年哀動行路已也先生居恒毋跛倚毋欠伸

常凜凜於理欲幾微之界不敢虧體以辱親亦不敢枉道以循人自幼而壯而老如一日然其守身嚴而正也如此至於報本追遠則任譜牒之責焉殫精十餘年奔走千里博訪周諮以期考訂無悞而後已謂非仁孝之心所推而行之者歟及其達於用也創立善堂以倡行風教釐訂條約以管攝人心利則興弊則革老弱廢疾瑩獨鰥寡則有養其負重致遠之願力可謂宏且毅矣凡若此者言曾子之言行曾子之行是亦曾子而已矣昔韓子謂聖人之道大而博門弟子不能遍觀而盡識也故學焉而皆得其性之所近以吾觀政事文學諸賢非不加人一等也而惟

曾子得其傳者何耶豈非以天德渾全而體用兼備也耶
曾子以後閱數十年我孟子出則聞而知之也然無有乎
爾一嘆蓋隱慮百世下鮮有能繼其傳者今不圖於先生
見之然則先生豈一鄉之善士已哉三復是卷不禁慨想
其爲人而惜其不我覲也

宣統三年歲次辛亥五月下浣丹徒後學陳信壽介生甫
頓首拜序

卞徵君集目錄

卷一 年譜

卷二 詩

卷三 約言釋

卷四 管言 附冠詞

卷五 古文詞 與王柳村書 致塾師書 與友人

書 致族兄成章書 致張引源書 與錦文

弟書 示張翼川甥書 覆王聖選表姪書

再覆王聖選書 鈍翁居家歲序諸禮敘 正

學約講序 鄧陽書院序 掩骼序 黃氏重修